



Broj: 07-11-1931/21
Vogošća, 11.01.2022. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 11.01.2022. godine donio je

**ODLUKU
O PONIŠTENJU OTVORENOG POSTUPKA NABAVKE, IZRADE I POSTAVLJANJA
ALUMINIJSKE I PANELNE OGRADE NA NOVOIZGRAĐENIM AB ZIDOVIMA UZ
SAOBRAĆAJNICU U ULICI MUJE ŠEJTE**

Član 1.

Poništava se Otvoreni postupak na nabavci, izradi i postavljanju aluminijske i panelne ograde na novoizgrađenim AB zidovima uz saobraćajnicu u Ulici Muje Šejte broj: 07-11-1931/21, jer primljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

Član 2.

Odluka o poništenju postupka nabavke će biti objavljena na web stranici Općine Vogošća, istovremeno s upućivanjem ponuđaču koji je učestvovao u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 22.12.2021. godine donio Odluku o pokretanju Otvorenog postupka nabavke, izrade i postavljanja aluminijske i panelne ograde na novoizgrađenim AB zidovima uz saobraćajnicu u Ulici Muje Šejte, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 22.12.2021. godine pod brojem: 1353-1-3-232-3-187/21.

Sažetak Obavještenja o nabavci objavljen je u "Službenom glasniku BiH" broj: 78/21 od 24.12.2021. godine.

Tendersku dokumentaciju sa Portala javnih nabavki BiH je preuzelo 7 (sedam) ponuđača. Krajnji rok za dostavu ponuda bio je 06.01.2022. godine do 16:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 06.01.2022. godine.

Shodno navedenom Zapisniku sa otvaranja ponuda, Komisija za javne nabavke je konstatovala da je zaprimljena jedna ponuda i to ponuđača "Dinalsa" d.o.o. Sarajevo, broj int. knjige 5/22, sa ponuđenom ukupnom cijenom nabavke u iznosu od 13.351,28 KM bez uračunatog PDV-a.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponudu, u smislu provjere njene validnosti, s obzirom na iskazane zahtjeve ugovornog organa u Tenderskoj dokumentaciji broj: 07-11-1931/21 iz decembra 2021. godine, odnosno pregledu ponude u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila sljedeće:

Ponuda ponuđača "Dinalsa" d.o.o. Sarajevo ne ispunjava formalno-pravne uslove tražene Tenderskom dokumentacijom i to:

- Tačkom 7.4.1. pod b) TD, između ostalog traženo je da ponuđači imaju na raspolaganju 1 (jedno) lice, SSS ili VŠS saobraćajne struke-III ili V stepen, smjer vozač motornih vozila (KV ili VKV vozač).

Ponuđač "Dinalsa" d.o.o. Sarajevo je u svojoj ponudi (strana 32-40. Ponude) dostavio Diplome o završenoj srednjoj školi za rukovaoca građevinskih i pretovarnih mašina (dvije Diplome) i Diplomu za stručno zvanje elektrotehničar energetike.

Postupivši na pomenuti način, ponuđač "Dinalsa" d.o.o. Sarajevo je postupio suprotno jasno postavljenom zahtjevu iz TD-tačke 7.4.2. pod b), a kojom je jasno i nedvosmisleno propisano da se kao dokazi za 1 (jedno) lice, SSS ili VŠS saobraćajne struke-III ili V stepen, smjer vozači motornih vozila (KV ili VKV vozač) trebaju dostaviti Diploma/Svjedočanstvo o završenoj traženoj stručnoj spremi i dokaz o radnom angažmanu.

Zbog prethodno navedenog, a u skladu sa odredbom člana 68. stav 4. Zakona o javnim nabavkama BiH ("Službeni glasnik BiH", broj 39/14) predmetna ponuda je formalno-pravno neispravna i kao takva nije prihvatljiva za ugovorni organ.

Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o poništenju Otvorenog postupka nabavke, izrade i postavljanja aluminijske i panelne ograde na novoizgrađenim AB zidovima uz saobraćajnicu u Ulici Muje Šejte, iz razloga jer primljena ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Melisa Kršo

Dostavljeno:

1. "Dinalsa" d.o.o. Sarajevo
2. Nadležnoj Službi
3. U dosije
4. a/a

033/513-674



OPĆINSKI NAČELNIK

Edin Smajić
Edin Smajić